

## Fiontar

### Léachtóir Gaeilge – teagasc na teanga Conradh dhá bhliain (ó 1 Meán Fómhair 2010)

#### An Post

Post léachtóireachta é seo a mbaineann dualgais teagaisc agus taighde leis. Tá folúntas ar an bhfoireann teagaisc do léachtóir Gaeilge a ghlacfaidh cúram de mhúineadh na teanga agus a léireoidh ceannaireacht acadúil i bhforbairt modheolaíochtaí teagaisc agus foghlama. Beidh dualgais teagaisc ar leibhéal bunchéime agus iarchéime i gceist.

Seo thíos na céimeanna teagasctha atá a riar ag Fiontar faoi láthair:

BA Gnó agus Gaeilge

BA Gaeilge agus Iriseoireacht

MSc i nGnó agus i dTeicneolaíocht an Eolais

Teastas/ Diplóma/ MA sa Ghaeilge (Sochaí agus Teanga)

Teastas/ Diplóma/ MA sa Ghaeilge (Acmhainní Teanga)

Beifear ag súil go ndéanfaidh an léachtóir modúil áirithe a theagasc i gcuid de na réimsí seo thíos chomh maith le múineadh na teanga féin:

- Iriseoireacht na Gaeilge
- Sochaí agus teanga
- Acmhainní teanga (téarmeolaíocht agus eagarthóireacht)

Tá mórthionscadail taighde sna daonnachtaí digiteacha Gaeilge a riar ag Fiontar freisin agus beidh an léachtóir a cheapfar rannpháirteach i ngnéithe áirithe de na tionscadail reatha mar shampla:

- [www.focal.ie](http://www.focal.ie)
- [www.logainm.ie](http://www.logainm.ie)
- [www.iate.europa.eu](http://www.iate.europa.eu) (na téarmaí Gaeilge)
- [www.ainm.ie](http://www.ainm.ie)

Beidh dualgais áirithe ar an léachtóir freisin maidir le riarachán mac léinn agus le himeachtaí na Scoile de réir mar is gá.

#### Cáilíochtaí agus taithí riachtanach

Beidh bunchéim onóracha sa Ghaeilge ag an léachtóir a cheapfar mar aon le taithí trí bliana sa teagasc agus/nó sa taighde. Beidh iarchéim i réimse cúí ag an iarrthóir agus beifear ag súil go mbeidh PhD bainte amach nó idir lámha aige/aici.

**Scála Tuarastail: €41,502-€43,181**

#### Fiosruithe tosaigh:

An Dr. Caoilfhionn Nic Pháidín, Fiontar, Ollscoil Bhaile Átha Cliath.

Fón: +353 (0)1 700 5173; R-phost: [caoilfhionn.nicphaidin@dcu.ie](mailto:caoilfhionn.nicphaidin@dcu.ie)

**Spriocdháta iarratais: 14 Meitheamh 2010**

**Tá foirmeacha iarratais ar fáil ó:**

Human Resources Department, Ollscoil Chathair Bhaile Átha Cliath, Glas Naíon,  
Baile Átha Cliath 9.

Fón: +353 (0)1 700 5149 Faics: +353 (0)1 700 5500 R-phost: [hr.applications@dcu.ie](mailto:hr.applications@dcu.ie)

Tá sonraí iomlána an phoist seo ar [www.dcu.ie/vacancies/current.shtml](http://www.dcu.ie/vacancies/current.shtml)

**Fostóir comhdheiseanna is ea Ollscoil Chathair Bhaile Átha Cliath.**

Tá formhór na dtionscadal taighde seo páirtmhaoinithe ag an Roinn Gnóthaí Pobail Tuaithe agus Gaeltachta.



*An Roinn Gnóthaí Pobail, Tuaithe  
agus Gaeltachta  
Department of Community, Rural  
and Gaeltacht Affairs*